

# Il nov mund d'investiziuns da la BCG

## Soluziuns d'investiziun modernas ed in assistent d'investiziuns digital

Cuira, il 4 da favrer 2019 – La Banca Chantunala Grischuna (BCG) ha cumenzà l'onn 2019 cun in nov mund d'investiziuns. La banca cumplettescha sia paletta da purschidas e resguarda uschia anc meglier ils differents basegns dals clients. Il nov assistent d'investiziuns online guida ils clients a moda simpla a chattar las dretgas soluziuns d'investiziun.

A las clientas ed als clients stattan da nov a disposiziun set soluziuns d'investiziun individualisadas. Ellas sa differenzieschan areguard l'investiziun da chapital, la capaciad da supportar ristgas ed il basegn da cussegliaziun. Ils investiders decidan quanta cussegliaziun ch'els giavischan e quant fitg che la banca sustegna tar decisiuns e transacziuns. Ils mandats da l'administraziun da la facultad etablids ed il plan da spargn cun investiziuns porscha la BCG era vinavant.

### L'assistent d'investiziuns da la BCG

Per las clientas ed ils clients che vulan s'infurmar online davart las differentas pussaivladads ha la BCG sviluppà in nov assistent d'investiziuns. S'enter avair respundi a paucas dumondas chatt'ins spert la soluziun d'investiziun adattada. Uschia daventa il mund d'investiziuns da la BCG anc pli simpel e modern. Testai uss ed As infurmai sin: [gkb.ch/anlegen](http://gkb.ch/anlegen)

### Contact per ils collavuradors da medias e per investurs:

Banca Chantunala Grischuna, Medias & Investor Relations, chascha postala, 7001 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11  
Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 996 collavuraturas e collavuradors (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quots a la bursa dapi ils 10 da settember 1985.

#### Termins

Quint annual 2018: 8 da favrer 2019  
Radunanza dals participants: 4 da matg 2019

---